

छापवा वाळा

निरमाण सोसाइटी

www.mewari.org.in

**जमारे वो हे
ज्यो थॉका
बारे जदी वेवे,
जदी थॉकाणी
दूजी भोजना
में उळज्या
त्राग वेवो।**



जामण

आपणो मेवाड़

अपरेल ॐ जून-2021



मुख्यमंतरी चिरंजीवी स्वास्थ्य बीमा योजना

मुख्यमंतरी चिरंजीवी स्वास्थ्य बीमा योजना रास्तान सरकार मुख्यमंतरी चिरंजीवी स्वास्थ्य बीमा योजना में चुण्या तका सरकारी अन परईवेट सपाखाना में पाँच लाक रिप्या तक को स्वास्थ्य लाब ले सकाँ। जदी थाँकाणी रास्तान में रेता वेवो अन स्वास्थ्य बीमो करणा छावो तो अणी पाना पे दीदी तकी जाणकारी जरूर भणज्यो। काँकी रास्तान सरकार मुख्यमंतरी चिरंजीवी स्वास्थ्य बीमा योजना 2021 की अदिसूचना जारी कर नाकी हे अन ओनलेण फारम भराबो बी सरू वेग्या हे।

मुख्यमंतरी चिरंजीवी स्वास्थ्य बीमा योजना 1 मई 2021 मूँ लागू वी, अणिमें हर परिवार ने 5 लाक रिप्या तक को केसलेस स्वास्थ्य बीमो हे। राज्य सरकार रास्तान ने अणी ओजना के बाते फारम भराबा की तारीक बी 31 मई 2021 तक बडा नाकी। अन अणिको लाब 1 अगस्त 2021 ऊँई ले सको।

मुख्यमंतरी चिरंजीवी स्वास्थ्य बीमा योजना में राजस्तान का हारई परवारों ने 5 लाक रिप्या तक को स्वास्थ्य बीमा को लाब चुण्या तका सरकारी अन परईवेट सफाखाना में ले सके हे। अणी ओजना का बाते 31 मई 2021 तक फारम भर सके। अणिके केड़े आगला 3 मीना तक अणी ओजना के बाते फारम ने भर सके। अणी ओजना में फारम भरबा का बाते कस्या बी ई-मितर पे नीसुल्क भरा सको। फारम भरबा का बाते रिप्या ने लागे। फारम भरबा का रिप्या बी सरकार ओडी।

चिरंजीवी स्वास्थ्य बीमा योजना को लाब अन मकसद

- * राज्य का हारई सरकारी अन सूचि में दिदा तका परईवेट सपाखाना में पाँच लाक रिप्या तक को फरी में इलाज की सुविदा।
- * चिरंजीवी स्वास्थ्य बीमा योजना में हर साल आबा वाळी हादी बेमारी का 50 हजार रिप्या अन मोटी खराब बेमारी का 4.50 लाक रिप्या तक को फरी में एलाज।
- * अणी ओजना में आबा वाळी बेमार्या का बाते 1576 परकार का पेकेज अन प्रोसिजर हे।
- * सपाखाना में भरती वेबा का पाँच दन पेल्याँ अन छुट्टी मलबा के 15 दन केड़े तक को खरचो वेवे वो अणी बीमा में लाब ले सेकी।
- * ज्यो मनक पेल्याऊँ मात्मागांदी आयुस्मान भारत स्वास्थ्य बीमा योजना को लाब लेर्या हे वाँने आवेदन करबा की जरूरत ने हे।
- * आवेदन करबा का केम्प ग्राम पंचायत का हाते – हाते गाम स्तर अन सेराँ में वार्ड स्तर पे चलाय्या हे।
- * अणी ओजना में फारम भरबा का बाते कस्या बी ई – मितर पे फरी में करा सके अन फारम भरबा को खरचो राज्य सरकार ओडी।
- * फोरा अन कम जगाँ वाळा करसाण अन संविदा पे लाग्या तका करमचार्या ने बी आवेदन कराणो पेड़ी जणिऊँ वे बी अणी स्वास्थ्य बीमा को लाब ले सके। पण हऊ बात या हे के अणिको खरचो राज्य सरकार भेरी।

मुख्यमन्त्री चिरंजीवी स्वास्थ्य बीमा योजना का रिप्या

पातर परिवार का बीमा का रिप्या का तोर पे 50% रासी कन कमऊँ कम 850/- रिप्या साल का परीमीयम का रूप में जमा करणा पेड़ी, ईका केड़े अणी स्वास्थ्य बीमा योजना को मुनापो ले सको हो। फोरा अन कम जगाँ वाळा करसाण अन संविदा पे काम करबा वाळा को परिमीयम राजस्तान सरकार भेरी। पण वाने अणी ओजना के बाते पंजीकरण करणो पेड़ी, विका केड़े वे हारई 5 लाक रिप्या तक बना रिप्या को स्वास्थ्य सेवा को लाब ले सके।

कई सरकारी कर्मचारी चिरंजीवी स्वास्थ्य बीमा योजना 2021 को लाब ले सके कई ?

राजस्तान सरकार ने सरकारी कर्मचारी ने अणी ओजना मूँ बान्ने राक्या तका हे। वॉके बाते परदेस सरकार जट सेंट्रल गवर्नमेंट हेल्थ स्कीम (CGHS) का हस्याबऊँ केसलेस बीमा को लाब देबा के बाते राजस्तान गवर्नमेंट हेल्थ स्कीम (RGHS) लागू करबा की त्यारी चालरी।

मुख्यमन्त्री चिरंजीवी स्वास्थ्य बीमा योजना के लायक अन खास कागज पान्दड़ा

- फारम भरबा वाळो रास्तान को रेवासी वेणो छावे।
- आवेदक गरीब रेका के रेटे जमारो जीवतो वेवे तो वणी परिवार को वेणो छावे।
- मोबाइल नम्बर
- आदार कार्ड
- बैंक पास बुक
- मूल निवास परमाण पतर
- पासपोर्ट साइज का फोटू
- आय परमाण पतर
- रासन कार्ड (कूपन)



मुख्यमन्त्री चिरंजीवी स्वास्थ्य बीमा योजना ऑनलेण आवेदन को काम

जदि थाँकाणी मुख्यमन्त्री चिरंजीवी स्वास्थ्य बीमा योजना के बाते रजिस्ट्रेसन कराबो छावो तो रेटे दिदो तको स्टेप्स ने काम में लेणो :

- अणी ओजना के बाते ऑनलेण आवेदक के बाते सबाऊँ पेल्याँ थाँने मुख्यमन्त्री चिरंजीवी स्वास्थ्य बीमा योजना की आधिकारिक वेबसाइट पे जाणो पेड़ी।
- होम पेज पे थाँने रजिस्ट्रेसन सेक्सन में “Click Here” का ऑप्सन मल्यो तको वींपे क्लिक करणो।
- अबे थाँने “Redirect to SSO” पे क्लिक करणो। जदि थाँका नके SSO ID वेवे तो login करणो कन Registration का ऑप्सन पे क्लिक करन रजिस्ट्रेसन करणो।
- SSO ID के लारे लॉगिन करबा केड़े थाँने केटेगरी बताणी पेड़ी, सिटीजन कन धन्दो अन गोरमेन्ट

एम्पालई वेवे।

- अबे थॉने पोरटल पे ऑनलेण पंजीकरण करणो पेड़ी। ईके बाते थॉने आवेदन फारम मे पूँछी तकी हारी जाणकारी देणी पेड़ी।
- ईके लारे – लारे हारई कागज पान्दड़ा अपलोड करणा पेड़ी। ईका केड़े आपणा फारम ने हुदो जाँच लेणो अन submit बटन क्लीक करणो।
- ईके बाते एक प्रिंटआउट जरुरी लेणी। अणी तरेऊँ थॉकाणी मुक्यमन्तरी चिरंजीवी स्वास्थ्य बीमा ओजना के बाते ऑनलेण आवेदन भर सको हो।

मुक्यमन्तरी चिरंजीवी स्वास्थ्य बीमा ओजना ऑपलेण आवेदन को फारम

- चिरंजीवी स्वास्थ्य बीमा ओजना के बाते ऑपलेण आवेदन फारम जमा करवाबा के बाते सबाऊँ पेल्याँ थॉने आपणी ग्राम पंचायत पे कन तहसील पे वेर्या पंजीकरण सिवर में जाणो पेड़ी।
- ईका केड़े उटे मुक्यमन्तरी चिरंजीवी स्वास्थ्य बीमा ओजना को फारम / पंजीकरण फारम लेणो।
- अबे एप्लीकेसन फारम में पूँछी तकी हारी जाणकारी जस्यान थॉको नाम, पतो, मोबाइल नम्बर, ईमेल आईडी, जात की जाणकारी दरज कराणी।
- अबे एप्लीकेसन फारम के लारे हारई जरुरी कागज पान्दड़ा लगाणा।
- ईकी एक रसीद जरुर लेणी अन एक reference नम्बर भी मेली।
- अणी तरेऊँ थॉका मुक्यमन्तरी चिरंजीवी स्वास्थ्य बीमा ओजना के बाते ऑपलेणऊँ फारम जमा करा सको हो।

पारर्याँ

1. दो बतकाँ के दो इण्डा एक उनो, एक ठण्डो।
– हरज अन चाँद
2. बत्तीस फीपळ्याँ के एक पान्दड़ो।
– दाँत अन जीब
3. मूँ लीली मारा बच्या काळा, मने छोडन बच्या ने खावे।
– इलायची
4. एक मंगरो अस्यो जणिमें पाणी भर्यो, रुकाळो विंको तीर चलावे आद अणा दे नानी।
– माक्यो माळ अन छातो।



सम्पर्क

निर्माण सोसायटी

फ्लेट नं. 4, प्रथम मंजिल,
जानकी मोहन कॉम्प्लेक्स,
उदयपुर रोड, पाँच बत्ती चौराहा के पास,
कपासन, चित्तौड़गढ़ राजस्थान-312202
फोन नं.-01476-230014, 9660663776

Email- rajasthanlanguages@nirmaan.org.in

Web- www.nirmaan.org.in